

**Акафист святым благоверным
страстотерпцем князем Борису и Глебу.**

Кондак 1

Избрáннии чудотвóрцы и дóблественнии во́ини Христо́ви, благáго кóрене блази́и óтрасли, пресвѣтлая двóице, в недúзех безмѣзднии врачеве и ко Спа́су о всѣм мѣре тѣплии моли́твенницы, восхваля́ем вас любóвию, свя́тии и благове́рнии кня́зие Бори́се и Гле́бе. Вы́ же, я́ко иму́щии дерзнове́ние ко Пресвяте́й Трóице, от всяких на́с бѣд изба́вите, да зове́м к вам: Ра́дуйтесь, Бори́се и Гле́бе, вели́кии и сла́внии страстоте́рпцы.

Икос 1

А́нгелов Госпо́дних согра́ждане яви́стеся, свя́тии благове́рнии Бори́се и Гле́бе, не оста́вьше согра́ждан земна́го мѣра: по страда́нии бо ва́шем честна́я телеса́ ва́ша, му́ченическою кро́вию обагрѣнная и благода́тию Бо́жиею просла́вленная, всѣм с ве́рою к ним притека́ющим источа́ют многоразли́чная чуде́сная исцелѣния; ду́ши же ва́ша предсто́ят с ли́ки а́нгельскими и со все́ми святы́ми Пресвяте́й Трóице. Те́мже мы́ удивля́ющеся ва́шему го́рнему и до́льному гражда́нству, благоговѣ́нно преклоня́юще пред ва́ми колѣна и сердца́ на́ша, умѣльно вопие́м си́це:

Ра́дуйтесь, оде́жды крещѣ́ния непоро́чнии храните́лие;
ра́дуйтесь, христиа́нскаго благоче́стия при́снии ревни́телие
Ра́дуйтесь, Божѣ́ственных писа́ний ученицы́ до́брии;
ра́дуйтесь, отца́ благове́рнаго ча́да возлю́бленная.
Ра́дуйтесь, Ева́нгелия Христо́ва послѣдователие и́стиннии;
ра́дуйтесь, Бо́гови сло́вом и жити́ем благоугоди́вшии.
Ра́дуйтесь, чу́дным свѣ́том богопозна́ния просвещѣ́ннии;
ра́дуйтесь, ви́ссом чистоты́ и непоро́чности облече́ннии.
Ра́дуйтесь, неустраши́мо мучѣ́ния приѣ́мшии;
ра́дуйтесь, Го́споду Иису́су Христу́ в страстѣ́х подража́вшии.
Ра́дуйтесь, всѣльшиися во оби́тели Отца́ Небе́снаго;
ра́дуйтесь, восприѣ́мшии от Го́спода мзду́ трудо́в и терпѣ́ния.
Ра́дуйтесь, Бори́се и Гле́бе, вели́кии и сла́внии страстоте́рпцы.

Кондак 2

Ви́деша сы́нове Росси́йстии, ка́ко испо́лнися святы́й хра́м благоуха́ния пречу́днаго, егда́ отверзо́ша ра́ку ва́шу, и просла́виша вси́ Го́спода. Те́мже и мы́, грѣ́шнии и недосто́йнии, благоговѣ́юще пред

пречудною святинею, прославляем Дивнаго во святых Своих Бога, непрестанно вопиюще: Аллилуиа.

Икос 2

Разум здравый стяжали есте святым и богоугодным житием вашим, страстотерпцы Христовы Борисе и Глебе. Егда услышасте о умышлении каинском лютаго и властолюбиваго брата вашего Святополка, нимало не помыслисте противу его ратию ити; возжеласте паче жизни своея лишиться, нежели с братом имети брань. Сего ради мы, предстояще молитвенно пред вами, возводим очеса наша сердечная горе, к вам, на небеси живущим, почитающе честная ваша страдания сими похвальными песнями:

Радуйтесь, суетных помышлений презрителие;
радуйтесь, заповедей Христовых исполнителе.
Радуйтесь, тмы греховныя попрастелие;
радуйтесь, венцосцы нарочити.
Радуйтесь, никакоже к земным сердце свое прилепивши;
радуйтесь, Живаго Бога паче всего мира возлюбивши.
Радуйтесь, оправданий Господних пресветлыя свещи;
радуйтесь, небесных благ причастницы.
Радуйтесь, пресладцыи слышателие Божественных словес;
радуйтесь, теплии ко Спасу о нас молитвенницы.
Радуйтесь, кровию своею убеленнии;
радуйтесь, зарю Трисолнечнаго Света озареннии.
Радуйтесь, Борисе и Глебе, великии и славнии страстотерпцы.

Кондак 3

Силою Божественною подвизаеми покровителие есте нам, защитницы и помощницы; страну бо нашу от нападений вражиих избавляете, страждущих от всяких недугов и болезней исцеляете и во всяком блазе преспеяние даруете всем, вопиющим Богу: Аллилуиа.

Икос 3

Имуще воистинну воины Христовы, Борисе и Глебе, пламенное сердце ко благохвалению дивнаго в чудесех Бога, молитесь непрестанно о спасении душ к вам усердно прибегающих. Сего ради мы от глубины сердец наших умиленно приносим вам таковая пения:

Радуйтесь, Господу славы вину предстоящи;
радуйтесь, ангельскую трисвятую песнь слышавши.
Радуйтесь, горняго Иерусалима именити граждане;

ра́дуйтеся, Ца́рства Христо́ва до́брии наслéдницы.
Ра́дуйтеся, невечéрняго днé зрителие;
ра́дуйтеся, нерукотвóрнаго хра́ма обитáтелие.
Ра́дуйтеся, райских селéний созерца́телие;
ра́дуйтеся, слепы́м прозрéния подáтелие.
Ра́дуйтеся, домо́в благочестíвых посетителие;
ра́дуйтеся, нерадя́щих о благочéстии наказáтелие.
Ра́дуйтеся, вели́ких пра́здников почитáния наста́вницы;
ра́дуйтеся, в добродéтелях преспева́ющих споспéшницы.
Ра́дуйтеся, Бори́се и Гле́бе, вели́кии и сла́внии страсотéрпцы.

Кондак 4

Бу́рею невéрия одержи́мых и ходя́щих во тьме́ злочéстия огнём наказáния опалéете, да уцеломóдрившеся и́стинно позна́ют и́стиннаго Бо́га, благочéстно Егó чту́ще и со стра́хом Ему́ вопио́ще: Аллилу́иа.

Икос 4

Слы́шаще ва́ша, страсотéрпцы святи́и Бори́се и Гле́бе, чудеса́, россия́стии сы́нове не то́кмо из бли́жних, но и из да́льных стра́н стека́хуся к ва́шим чудодéйственным мо́щём, и, исцеля́ющеся от недúгов и болéзней, вопия́ху к ва́м такова́я:

Ра́дуйтеся, божéственныя лозы́ пресладцы́и рóждие;
ра́дуйтеся, новопросвещéнныя земли́ крас́нии цвёти.
Ра́дуйтеся, пёрвии просла́вленнии на Руси́ угóдницы;
ра́дуйтеся, в беда́х и ну́ждах благочестíвым посóбницы.
Ра́дуйтеся, вели́цыи в напáстех утéшителие;
ра́дуйтеся, véры Христо́вой ревни́телие.
Ра́дуйтеся, Божéственныя слúжбы пла́меннии любóителие;
ра́дуйтеся, благочéстия до́брии строителие.
Ра́дуйтеся, хромы́м хождéния подáтелие;
ра́дуйтеся, о спасéнии рóда христиáнскаго ходáтаи.
Ра́дуйтеся, виногра́да Христо́ва целéбныя вéтви;
ра́дуйтеся, и́стиннии и безме́зднии вра́чеве.
Ра́дуйтеся, Бори́се и Гле́бе, вели́кии и сла́внии страсотéрпцы.

Кондак 5

Боготéчныя звёзды́ яви́стеся на́м путево́дствующии: внегда́ обурева́тися на́м волна́ми житéйских попечéний и опа́сно шéствовати к тíхому приста́нищу, свéтом моли́тв ва́ших избавля́еми есмý от

блуждения и потопления. Сего ради, славяще Господа, вопиём:
Аллилуиа.

Икос 5

Видеша сынове россійсти, яко притекаюции с верою приёмлют
ходатайством вашим в нуждах скорое утешение и от зол избавление,
темже восхваляют вас сице:

Радуйтесь, идольскаго нечестия обличителие;
радуйтесь, мудрых ко благочестию управителие.
Радуйтесь, гордыни и буесловия посрамителие;
радуйтесь, злобы и мщения угасителие.
Радуйтесь, враждующих на отечество укротителие;
радуйтесь, полчищ вражеских расточителие.
Радуйтесь, мира и тишины возстановителие;
радуйтесь, Христовы добрии воителие.
Радуйтесь, благородство земное носившии,
радуйтесь, кровию порфиру освятившии,
Радуйтесь, прославившии Спаса страстотерпцы;
радуйтесь, прославленнии от Бога чудотворцы.
Радуйтесь, Борисе и Глебе, великии и славнии страстотерпцы.

Кондак 6

Проповедующи проповедует вся Русская земля ваше небесное
предстательство у Всевышняго: вы бо яко крепцыи щиты и яко твердыя
стены, ограждаете Отечество ваше непобедимым оружием, благодатию
Божественною, дарованною вам свыше, сего ради, хваляще Бога, поём:
Аллилуиа.

Икос 6

Возсияли есте, яко пресветлыя звезды просвещением Святаго
Крещения среди тмы идолослужения, веру бо православную приемше
семена благочестия христианскаго в сердцах подданных своих
посеясте и на славословие имени Божия храмы боголепно соорудисте.
Сего ради, святии Борисе и Глебе, вас почитаем сими похвальными
песньми:

Радуйтесь, идольския лести обличителие;
радуйтесь, древняго змия попраателие.
Радуйтесь, жития непорочнаго рачителие;
радуйтесь, евангельских проповеданий блюстителие.
Радуйтесь, терния пороков ревностнии искоренителие;

ра́дуйтесь, подвигополо́жнику Христу́ послéдователие.
Ра́дуйтесь, и́стиннии о́брази крóтости и незлóбиа;
ра́дуйтесь, благодáти с́илу подаю́щии мно́гим.
Ра́дуйтесь, нерастлénнии хра́ми Бо́га Живáго;
ра́дуйтесь, добродéтелей ч́истая зерца́ла.
Ра́дуйтесь, в чу́дный свéт богопознáния пресéльницы;
ра́дуйтесь, вели́цыи Христóвы угóдницы.
Ра́дуйтесь, Бори́се и Глéбе, вели́кии и сла́внии страсотéрпцы.

Кондак 7

А́ще и мно́гажды злоумы́шленнии язы́цы покуша́хуся внéсти внúть
Отéчества нáшего и одолéти егó, обáче невидимым вáшим
предстáтельством пред Бо́гом посты́ждéни и прогнáни б́ыша. Тёмже
удивля́ющеся неизречéнному к нáм Бо́жию милосéрдию, поём:
Аллилу́иа.

Икос 7

Но́выя благодáти б́ывшии причáстницы и дарóв Свята́го Дúха
испóлненнии, не тóчию в земл́и нáшей яв́илися естé дóбрии
споспéшницы вéры и нра́вов блаѓих; но среди́ чужд́их наро́дов сла́ву
и́мене Господ́ня и с́илу мýшцы Егó яв́исте. Сегó ра́ди похва́льными
пéсньми вáс ублажа́ем:

Ра́дуйтесь, неувяда́емии цвéти земл́и рýсския;
ра́дуйтесь, вертогра́да небéснаго благолéпнии грóздие.
Ра́дуйтесь, непорóчнии áгнцы ста́да Христóва;
ра́дуйтесь, я́ко гóлубие, украшénнии чистото́ю.
Ра́дуйтесь, на крилéх вéры вознéсшиися;
ра́дуйтесь, в Небéсный Иерусали́м пресéльшиися.
Ра́дуйтесь, гóрняго Сиóна наслéдницы;
ра́дуйтесь, ликóв небéсных собесéдницы.
Ра́дуйтесь, я́ко злáто в горн́иле, искушénнии;
ра́дуйтесь, к ли́ку мýченик причтénнии.
Ра́дуйтесь, Христóвы Цéркве вели́кое удобрéние;
ра́дуйтесь, христиáном подáтелие ра́дости неизречéнныя.
Ра́дуйтесь, Бори́се и Глéбе, вели́кии и сла́внии страсотéрпцы.

Кондак 8

Стрáнная и ужáсная соде́яшася, егда́ злочест́ивый варя́г дерзну́
попра́ти мéсто свято́, идéже почивáху блажénная телесá вáша: о́гнь бо
изы́де из земл́и, опал́и окаяннаго и вéдати науч́и с́илу вáшу, угóдницы

Божии. Вернии же, прославляюще чудодѣйства ва́ша, воспѣша Дѣвному во святѣх Своѣх Бо́гу: Аллилу́иа.

Икос 8

Вѣсь ум вперѣвше в слѹжбу Божѣственную и духо́вная псалмопѣния, явилися естѣ непобедѣимии Христо́вы адама́нты, егда́ нечестѣивии челове́цы приидо́ша от лю́таго Святопѣлка рѹки на ва́с возложѣти и неповѣнную кро́вь ва́шу пролѣти. Мы́ же, вернии, чѣстующе вѣру и страда́ния ва́ша, взыва́ем си́це:

Ра́дуйтесь, слѹжбу Бо́жию в пу́ти не оставля́вшии;
ра́дуйтесь, богодухнове́нное пѣние сладостно внуша́вшии.
Ра́дуйтесь, Божѣственная словеса́ во устѣх своѣх держа́вшии,
ра́дуйтесь, в се́рдце сокрови́ще моли́твы стяжа́вшии.
Ра́дуйтесь, А́гнца Бо́жия ѣстиннии исповѣдницы;
ра́дуйтесь, апо́стольских проповѣданий ревни́тельнии преѣмницы.
Ра́дуйтесь, святѣх отцѣв преда́ний вернии блюсти́телие;
ра́дуйтесь, братолю́бия и послуша́ния хранителие.
Ра́дуйтесь, яко живо́т вѣчный па́че вре́меннаго возлюбѣсте;
ра́дуйтесь, яко Ца́рство Небе́сное земно́му предпочтѣсте.
Ра́дуйтесь, яко се́рдце смире́нное в же́ртву Бо́гу принесѣсте;
ра́дуйтесь, яко в вѣре Христо́вей мно́гих утверди́сте.
Ра́дуйтесь, Бори́се и Гле́бе, вели́кии и сла́внии страсотѣрпцы.

Кондак 9

Вси́ вернии чтѹт благоговѣ́но па́мь ва́шу: во святѣи хра́мы сте́кающесе, сла́вят страда́ния ва́ша и возвеща́ют чудеса́, яже соде́ясте си́лою Бо́га и Спа́са нашего́, Емѹ́же вопи́ем: Аллилу́иа.

Икос 9

Ветѣи неvéрнии всеу тружда́ются му́дрствовати о святѣ́ни ва́шей, Бори́се и Гле́бе достохва́льнии: недоуме́ют бо изрещѣ́, ка́ко брѣннии мо́щи чудотворя́т и челове́цы со а́нгелы спрославля́ются. Мы́ же, просвеща́еми вѣрою, благоле́пно вопи́ем:

Ра́дуйтесь, Ца́ря сла́вы прославлѣ́ние;
ра́дуйтесь, кня́зя тьмы́ посрамлѣ́ние.
Ра́дуйтесь, глаго́лов Бо́жих исполне́ние;
ра́дуйтесь, Божѣственныя премѹ́дрости оправда́ние.
Ра́дуйтесь, чуде́с Христо́вых проповѣдницы;
ра́дуйтесь, вѣчныя ра́дости наслѣдницы.
Ра́дуйтесь, во́ини Христо́ви непобедѣимии;

ра́дуйтесь, броня́ во́инства на́шего необори́мая.
Ра́дуйтесь, я́ко жи́знь грядúщую возлюби́ли есте́;
ра́дуйтесь, я́ко бла́га вре́менная презре́ли есте́.
Ра́дуйтесь, я́ко по́мыслы ве́ка сегó отринули есте́;
ра́дуйтесь, я́ко красóтою добродéтелей украше́ни есте́.
Ра́дуйтесь, Бори́се и Гле́бе, вели́кии и сла́внии страсотéрпцы.

Кондак 10

Спасти́ хотя́ще ду́ши своя́, святы́и страсотéрпцы, небрегóсте о телесéх ва́ших и преда́сте их на убиéние, вопи́юще Бо́гу: Аллилу́иа.

Икос 10

Стены́ есте́, огражда́ющия Русь, святы́и Бори́се и Гле́бе, и неутомимии стра́жи проти́ву вра́г на́ших пребыва́ете, непреста́нно моля́щеся Го́споду Бо́гу о спасéнии ду́ш на́ших и исцеля́юще нéмощи на́ша. Сегó ра́ди умильно́ вопи́ем ко святы́ни ва́шей:

Ра́дуйтесь, я́ко сы́нове росси́йстии ходата́йством ва́шим спаса́ются;
ра́дуйтесь, я́ко вси́ ве́рнии моли́твами ва́шими от бе́д и скорбе́й избавля́ются.

Ра́дуйтесь, я́ко врази́ на́ши вас устраша́ются и в бе́гство обра́щаются;

ра́дуйтесь, я́ко Оте́чество на́ше заступле́нием ва́шим утвержда́ется.

Ра́дуйтесь, я́ко похва́льными венцы́ Це́рковь вас венча́ет;

ра́дуйтесь, я́ко по́двиги ва́ша правове́рнии немóлчно воспева́ют.

Ра́дуйтесь, я́ко ста́рцы и ю́ноши к покрóву ва́шему прибега́ют;

ра́дуйтесь, я́ко ца́рие и во́ини, бога́тии и убóзии вас прославля́ют.

Ра́дуйтесь, му́ченическую сме́рть приéмшии;

ра́дуйтесь, терпе́нием жизнь ве́чную стяжа́вшии.

Ра́дуйтесь, ско́рии помо́щницы;

ра́дуйтесь, благомо́щнии заступни́цы.

Ра́дуйтесь, Бори́се и Гле́бе, вели́кии и сла́внии страсотéрпцы.

Кондак 11

Пе́ние всеумилéнное не умолче́ во устéх ва́ших, егда́ лю́тии губи́телие устреми́шася на вас, я́ко на а́гнцев, гото́вых на заколе́ние. Сиé воспомина́юще и сла́вяще Го́спода, да́вшего вам си́лу такую́ю, взыва́ем к Немú: Аллилу́иа.

Икос 11

Светозáрныя свещи́ зрим вас, святѣи благовѣрнии князие Борѣсе и Глѣбе, освещáющие Рýсскую Цѣрковь и всѣх вѣрных чад ея́, да прославля́ют святу́ю пáмьять ва́шу, вопи́юще:

Ра́дуйтесь, во еди́нем дýсе благочѣстия ходѣвшии;
ра́дуйтесь, в брáтстем единѣнии и любвѣ пожившии.
Ра́дуйтесь, подражáвшии искупльшему нас Влады́це;
ра́дуйтесь, слáвнии и всехвáльнии мýченицы.
Ра́дуйтесь, подвизáвшиися пóдвигом дóбрым;
ра́дуйтесь, венчáннии венцѣм слáвы невечѣрния.
Ра́дуйтесь, течѣние жити́я мýченически скончáвшии;
ра́дуйтесь, во обѣтели Отцá Небѣснаго водворѣвшиися.
Ра́дуйтесь, Рýсския Цѣркве похвалó;
ра́дуйтесь, градóв на́ших лѣпото.
Ра́дуйтесь, сы́нове и заступни́цы земли́ Рýсския;
ра́дуйтесь, яко пáмьять ва́ша приснослáвна.
Ра́дуйтесь, Борѣсе и Глѣбе, вели́кии и слáвнии страсотѣрпцы.

Кондак 12

Благода́ть, да́нную вам от Бо́га на блага́ сыно́в Русѣи, о чудотворцы Борѣсе и Глѣбе, не втýне оста́вили естѣ: явѣсте бо сá целѣтелие боля́щих, утѣшителіе сýщих в скорбех и заключѣниих, наста́вницы заблýждших и скорѣи помóщницы всѣм, с вѣрою призывáющим вас и вопи́ющим ко Гóсподу: Аллилу́иа.

Икос 12

По́юще и восхваля́юще чудеса́ ва́ша, чествýет святу́ю пáмьять ва́шу преслáвная Цѣрковь Рýсская, и мы́, чада ея́, óчи сѣрдца возводя́ще ко Гóсподу, сѣце вопи́ем:

Ра́дуйтесь, кóрене честна́го благія́ óтрасли;
ра́дуйтесь, сопрѣчастни́цы а́нгельскаго со́нма.
Ра́дуйтесь, сопротѣвных победѣтелие;
ра́дуйтесь, недýгующих вра́чеве.
Ра́дуйтесь, градóв и вѣсей на́ших пресвѣтлое сия́ние;
ра́дуйтесь, во́инства рýсскаго твѣрдое ограждѣние.
Ра́дуйтесь, яко страданьми ва́шими сниска́сте ра́дость вѣчную;
ра́дуйтесь, яко мýченьми прешлѣи естѣ к блаженному безсмѣртію.
Ра́дуйтесь, в горнѣле лю́тых обстоя́ний искушѣннии;
ра́дуйтесь, добрóтою благочѣстия чистѣе злáта блиста́ющие.
Ра́дуйтесь, Бо́гови всеплóдие себѣ принѣсшии;
ра́дуйтесь, животá вѣчнаго и Цáрствія Бо́жия наслѣдни́цы.

Ра́дуйтесь, Бори́се и Гле́бе, вели́кии и сла́внии страстоте́рпцы.

Кондак 13

О, святы́и и всесла́внии чудотво́рцы Бори́се и Гле́бе, вели́цыи росси́йстии помо́щницы в беда́х и напáстех! Не прэ́зрите на́с, грéшных, но приимíte моле́ние на́ше, я́коже прия́ли естé моли́твы благове́рных росси́йских князе́й Алекса́ндра и Дими́трия, и принесíte Всеми́лостивому Спа́су на́ше моле́бное приноше́ние, да изба́вит на́с от всяких бе́д и напáстей, да охра́нит Оте́чество на́ше от вра́г ви́димых и неви́димых, е́же нам в ми́ре глубо́це пéти с ва́ми Бо́гу: Аллилу́иа.

Молитва

О, святы́и страстоте́рпцы, боголю́бивая дво́ице, благове́рнии кня́зие Бори́се и Гле́бе, измла́да всею́ душе́ю Христа́ возлю́бившии, целому́дрие, крото́сть, смире́ние и про́чия добродéтели стяжа́вшии и, я́ко а́гнцы незло́бивии, от брата́ своего́ непра́ведное убиéние претерпе́вшии, чи́стыя своя́ ду́ши в благоприя́тную же́ртву Бо́гу принéсшии и от Него́ венцы́ нетле́нныя приéмшии! Припада́юще к честно́му о́бразу ва́шему, мо́лим ва́с в ду́се сокруше́нне и смире́нне: вознесíte своя́ усердны́я моли́твы ко Всеми́лостивому Спа́су, да пода́ст на́м, чту́щим святу́ю па́мять ва́шу, вели́кия Сво́я и богáтыя ми́лости. Це́рковь Сво́ю Святу́ю да соблюде́т от ересей́ и раско́лов, в ча́дех ея́ да оживи́т ду́х пра́выя ве́ры и любве́, ду́х ве́дения и благоче́стия, да да́рует все́м на́м вся́ к жи́зни вре́менной и ве́чной потре́бная. Ей, святы́и страстоте́рпцы, ускори́те на по́мощь на́м, я́коже срóднику ва́шему благове́рному кня́зю Алекса́ндру Не́вскому, и изба́вите страну́ на́шу от вра́г ви́димых и неви́димых, от гла́да, огня́, смертоно́сныя я́звы, от всяких бе́д и напáстей; разжени́те облежа́щий ны́ мра́к неверия́ и развра́щения, да ми́рно и благоче́стно поживе́м в ве́це се́м, и сподо́бимся христиа́нския кончи́ны и до́браго отве́та на стра́шнем Суде́ Христа́ Бо́га на́шего, Ему́же подобáет че́сть и поклонéние со Безнача́льным Его́ Отце́м и Пресвяты́м и Благи́м и Животворя́щим Его́ Ду́хом, ны́не и при́сно и во ве́ки веко́в. Ами́нь.